



漢書門

類	號	函	架	冊
110	0	二	三	110

內閣文庫	漢
函架	冊

內閣文庫	番號	漢	13010
	冊數	120	(51)
	函號	201	64





男子肩患毒腫硬作痛惡症迭見用白礬末參錢
 糊丸以葱頭菜蒸煎湯調下腫痛悉退再服諸症亦
 退更以仙方活命飲二劑出水而消此秘方名千金
 化毒湯本礬末葱湯調服因末難服故易為丸一方
 士治瘡疽不問腫潰先用此藥三二服後用消毒藥
 甚效常治芻蕘之人用此即退不用托裏藥亦愈蓋
 止執毒為患血氣不虧故也若金石毒藥發疽者尤
 效蓋礬又能解金石之毒也一方用礬末伍錢硃砂
 伍分熱酒下亦效此藥托裏固內止瀉解毒排膿不
 動臟腑不傷氣血有益無損其藥易得其功甚大偏

重傷內消

小十一

五

僻之處不可不知此方或虫犬所傷溶化熱塗患處
更以熱酒調末服皆効

榮衛返寬湯 又名通順散
又名何首烏散

何首烏 不犯鉄 當歸

木通 去皮尖

赤芍藥 炒

白芷 不見火

藁香 炒

土烏藥 炒

陳枳殼 麩炒若惡心
加薑汁炒

甘草

右方止此玖味各等分水酒湯使隨證用之水酒
相半亦可惟流注加獨活每服肆錢病在上食後
服病在下食前服

此一藥流注癰疽發背傷折非此不能効至於救
壞病活死肌痺患於未萌之前拔根於既愈之後
中間君臣佐使如四時五行更相迭旺真神仙妙
劑隨證加減其効無窮何則此藥大能順氣勻血
故也夫氣陽也血陰也陽動則陰隨氣運則血行
陽滯則陰凝氣弱則血死血死則肌死肌死則病
未有不死者矣必調其陽和其陰然後氣血勻二
者不可偏廢只調陽不和陰則氣耗而血凝肌必
不活如五香連翹之類是已只和陰不調陽則血
旺而氣弱疾必再作如內補十宣之類是已然二

藥亦須參用不可執一為妙此藥扶植胃本不傷元氣蕩滌邪穢自然順通不生變證真仙劑也用法列之于左

一發背既久不愈乃前醫用涼藥過也涼藥內傷其脾外冰其血脾主肌肉脾既受傷飲食必減顏色痿痺肌肉不生血為脈絡血一受冰則氣不旺肌肉糜爛故必理脾胃健肉自生宜於此方中去木通少用當歸倍加厚料陳皮盛則用家傳對全飲了又盛則加白豆蔻之類為妙一凡治流注可加獨活流注者氣血疑滯故氣流而滯則血注

而疑加此藥者可以動蕩一身血脈血脈既動豈復有流注乎一流注起於傷寒傷寒表未盡餘毒流於四肢經絡澁於所滯而後為流注也如病尚有潮熱則裏有寒邪未盡散此方中可加升麻蘇葉如服此而熱不退可加乾葛如有頭疼加川芎並用薑水煎如無潮熱可用水酒相半煎酒大能行血生氣故也氣生血行病愈可必然流注須表者何也所以推其因究其源不忘病之根本也寒邪既盡表之太過則為冷流注尤為難治故宜略表為妙表後第一節宜服溫平之藥乃十宣內

補是已如不効第三節宜加附子或服四柱散數
服卽止溫藥亦不可多用恐增痛苦反成膿血不
乾第四節仍歸本方收効然表未盡則餘毒附骨
而為骨癰夫流注者傷寒之餘毒骨癰者又流注
之敗證也流注非傷寒之罪乃醫者表之未盡也
骨癰非流注之過又庸醫涼藥之過也庸醫無識
心盲志聾妄稱明見雖知為骨癰而治之無法又
復投之涼藥烈之毒及則毒氣滯涼藥觸鉄器則
愈附骨而不能愈矣不然則人之骨何以有癰骨
而成癰非藥所治故名附骨疽又名白虎飛尸留

連周暮展轉數歲冷毒朽骨出盡自愈其不愈者
至於終身有之此皆失於初也其骨腐者多為副
骨猶或可痊正骨腐則終身廢疾故膿白而清者
碎骨初脫肉深難取膿黃而濃者碎骨將出肉淺
可取宜以利刀取之詳在後章此不過治骨癰之
槩耳 又有病經數月傷於刀刃羸弱拳攣咳嗽
膿血壞肉陰爛者此皆冷極陽弱陰盛不可以唾
紅為熱宜以好附子加減治之 又有毒自手脚
頭面而起疼痛徧身上至頸項經絡所係去處如
瘍瘰貫珠者此為風濕流氣之證宜以加减小續

命湯及獨活寄生湯與此方參錯用之。又有兩
膝痛起以至遍身骨節皆痛婦人類血虛男子類
軟風此名風濕痺又名歷節宜以附子入物湯加
減用之。又有癰腫在項腋兩乳傍兩胯軟肉處
名為瘰癧癰此冷證無熱宜以內補十宣散與此
方參用小兒不可輕用附子恐生驚癇切不可更
犯針刀薄血無膿努肉難合宜以濕熱藥貼散肉
消猶犯針刀生努肉亦以此藥收功倘用藥微疼
略有驚癇宜用全蠍觀音散加減用之驚定藥如
故事又有小兒亦患宿痰失道者癰腫見於頸項

臂膊胸背等處是為冷極全在熱藥敷貼之功
病須再作為佳治法見後。又有流注大如匏
瓠覆碗見於胸背其證類發而甚後用藥之後形
勢一有微動即非發矣宜以內補十宣與此方隨
證通變用之可以內消太抵諸證皆原於冷故為
痛者骨痛也骨者腎之餘腎虛則骨冷骨冷所以
痛所謂骨疽皆起腎者亦以其根於此也故補腎
必須大附子方能作効腎實則骨有生氣疽不附
骨矣凡用藥不可執一貴乎通變。凡癰疽初萌
必氣血凝滯所成為日既久則血積於所滯而後

盛作故病人氣血盛者此方中減當歸多則生血
發於他所再結癰腫生生不絕斯乃秘傳醫者少
知也 一凡癰疽生痰有二證一冒寒生痰此方
中加半夏健脾化痰二熱鬱而成風痰此方中加
桔梗以化咽膈之痰並用生薑和水酒煎 一凡
腦發背發在土者此方中可去木通恐導虛下元
為上盛下虛之病難於用藥老人虛弱者尤宜去
之 一凡病人有瀉者不可便用此方宜先用止
瀉藥白礬生用為末溶開黃俟瀉止方用此藥蓋
人身以血氣為主病癰之人氣血潮聚一處為膿

若臟腑不固必元氣泄而血愈寒難愈此藥大能
順氣故也大抵氣順則血行氣耗則血寒氣寒則
血死血死則肌肉不生投之熱藥則肌肉無元氣
不足以當之徒增苦投之涼藥則無是理是方雖
仙授要在用之得當不然則有刻舟之患矣至於
流注又不可一槩論也若涼藥耗散元氣虛敗有
用三建取効者其疾多緣於冷故也尤當審其脉
辨其證的出於冷然後用之亦不可過過亦有害
但陽脉回腫處紅活骨有生氣寒氣不能相附為
疽即歸功本方以取効此萬全妙法 一此藥丸

散末皆可水酒湯使臨時裁度用之貴人加木香
 為衣病者有熱痰咳嗽富沉香蘇葉湯皆可下
 丸用蜜劑一此方非但治癰疽發背傷折至於
 男子婦人疝氣血氣皆可用屢獲効矣有一婦人
 患氣疾五年發時只是塊痛嘔逆水漿不下一發
 便欲死用此藥為丸木香湯下一服嘔止再服氣
 順疾遂愈一凡傷折皆不脫此方但加減有瘥
 詳見傷折類中如尋常打破傷損或傷心胞並皆
 治之在頭上則去木通枳殼加川芎陳皮常用加
 丁皮蘇葉能活血加破故紙玉靈脂能破宿血水

煎熟用濃酒一盞覆入候再沸却入大黃末空心
 服之如通順藥只四服先一服中入大黃後二服
 不必用只是催發便下如不通只枳殼湯一向催
 如苦不通即不可治不可坐視人死而不知也補
 血十宣散之類一凡傷折常用此方可去木通
 名何首烏散蓋首烏能扶血故也如刀刃傷有潮
 熱面腫氣喘乃破傷風證可服索血散葛根湯數
 服薑葱煎發散或敗毒散三四服外用敷貼藥依
 法治之無不愈者矣一經年腰痛加蔓薛玄胡
 索以酒煎服一腳氣加檳榔木瓜穿山甲水煎

服之 一宿痰失道非惟人不識自仙授以來惟
余一派知之人身有痰潤滑一身猶魚之有涎然
痰居胃中不動則無病動則百病生或喘或咳或
嘔或暈頭痛睛疼遍身拘急骨節痺疼皆外來新
益之痰乃血氣敗濁凝結而成也何則臟腑氣逆
鬱結生痰當汗不汗蓄積生痰飲食過傷津液不
行聚而生痰其常道則自胃脘達肺腕而出其失
道自胃脘而流散於肌肉皮毛之間脾上肌肉肺
主皮毛故凡胸背頭項腋胯腰腿手足結聚腫硬
或痛或不痛按之無血潮雖或有微紅亦淡薄不

熱堅如石破之無膿或有薄血或清水或如乳汁
又有壞肉如破絮文或如癭瘰在皮肉之間如雞
卵浮浴於水中可移動軟活不硬破之亦無膿血
針口努肉突出惟覺咽喉痰實結塞作寒作熱即
皆其證急於此方中加南星半夏等藥以治其內
外用玉龍熱藥以拔其毒便成膿破為良其輕無
膿者必自內消如熱極痰壅則用控涎丹芥子等分為末糊為丸如遍身腫硬塊大如盂盂生於喉項
要處者尤為難治夫血氣和暢自無他病氣行不
順血化為痰痰復失道則血氣衰敗不能為膿但

能為腫硬理必然也此證陽少陰多隨證用藥回
陽生氣補血控涎外則用後法作起一身氣血引
散冷塊萬一腫不消不作痛不為熱體氣實無他
證肉塊與好肉無異此又一證也切不可輕用針
刀自戕如艸醫曾用針灸陰爛其肉或用毒藥點
脫使人增寒壯熱法當通順其氣血於此方中加
升麻以除其寒邪用欬白結痂之藥以安之使為
疔贅而已萬一病自作臭穢糜爛不免動刀則有
妙劑可以代刀不可輕泄即白礬枯朴硝
二味為末敷之一肚
腸內癰宜服十宣散與此方相間用之並加忍冬

藤此藥最治內癰但常審其虛實或過或確須
用附子通則用大黃如不明虛實則此方是肺
通順十宣自能內補可無他變至於肺癰作覺飲
食有礙胸膈微痛即是此證急須察脉審其虛實
虛則用此方加附子相出入用之若稍再作即用
十宣散內補之即自消散實則用此方加大黃略
通之使毒氣下宣為妙蓋肺與大腸相表裏故也
如肉癰已成宜以海上方與此方加減參用之喘
咳膿血者肺癰也大便有膿自臍出者肚癰也忍
冬藤甘草節煮酒妙

龍虎交加散 治發背癰疽發腦發髮發髭又治脛

虛頭暈風濕之病

製藥法

南木香 剉碎用紙墊鍋 鷲粟殼 去頂穰筋剉

甘艸 用濕紙裹煨 吳白芷 麩裏煨去麩

川芎 濕紙裹煨焙

右件藥末各另包收看瘡加減用之

加減法

若瘡勢紅腫熱大先服如神托裏散一貼卧蓋取
微汗如紅暈大腫高瘡頭有似碎米大白膿點者

可進交加散一貼用木香肆分鷲粟殼貳錢分甘草陸分

白芷壹錢肆分川芎壹錢半共為一貼用水柒分生白酒

參分共壹盃用銀器煎捌分如無銀器新瓷器亦

好不用銅鐵舊器於炭火邊先滾五七滾用細絹

水濕扭乾濾去粗食後服以乾鹽菜壓之粗敷瘡

四圍用穰絹帕包之如惡心嘔吐即服護心散一

貼止嘔次服前藥若胸腹膨滿或大小便閉澀可

服當歸連翹散一貼行五七次用溫米粥湯補止

如瘡已成潰膿不寒不熱止是爛開疼痛木香叁分

甘草陸錢川芎壹錢半白芷壹錢肆分粟殼貳錢水伍分酒伍分

腫瘍 內消

外科一

百

分合煎捌分服若紅暈白者好也仍紅其瘡不退
若紫黑稍可如紅暈不退每白於晚進藥一貼喫
交加散四五貼可服當歸連翹散一貼要行加大
黃只有熱腹不脹不用大黃如瘡患要將好腐肉
不脫可用針刺破皮令隨膿出將水紅花根煎湯
洗之用生肌散摻上每白洗一次依此法無不効
有蛆者難治最忌酸採醬麵發氣并生冷之物
護心散 治證見前交加散

甘草 炙壹錢 棗豆粉 硃砂
右為細末作一服白湯調下

當歸連翹散 治證同前

當歸 連翹 梔子仁
芍藥 金銀藤 各壹兩 黃芩 伍錢

右咬咀每服伍錢用水貳盞煎至柒分空心溫服
要行加大黃貳錢待藥熟入大黃煎一二沸去粗
服

如神托裏散 治發背等瘡初起又治疔瘡疔一切
腫毒及發散傷寒

蒼耳根 虎耳草根
金銀藤 五味子根

重傷 內消 十一

右咬咀每服五錢用生白酒貳盞煎至米分去粗
服卧蓋取微汗袒再煎
生肌散

水紅花葉

右為細末先用水紅花根剉碎煎湯洗淨却用葉
末撒瘡上每日洗一次撒一次

前鋒正將 治一切癰疽不問發背發背作舉疼痛
其效如神

荆芥

薄荷

山蜈蚣

老公鬚

天花粉

菇萐

菇片

敗荷心

川白芷

豬牙皂角

切炒

赤芍藥

已上各

淮烏

大者

紅肉消

倍其數

甘草

右為末每服貳錢薄荷茶清調下欲快利用酒調
服效若服經日未見効恐是涼藥流血可加當歸
羌活如熱重雄黃酒調乳癰加萱草根研汁調其
餘候只用酒下不飲麥門冬去心煎湯亦可但較
緩耳

引兵先鋒

凡用內消先用此藥退潮止渴解熱以
升麻葛根湯表散後服此

重方內消

小

三

重寫 內消 小字二

木通

瞿麥

荆芥

薄荷

白芷

天花粉

甘草

赤芍藥

麥門冬去心

生乾地黄

山梔子

車前子

連翹各等分

右判每服貳錢燈心生地黃煎熱潮加淡竹葉煎

溫服上膈食前下膈空心老人氣虛者宜加當歸

羌活

加味十奇散主內護治癰發已成未成服內消三五

日不効或年四十已上氣血衰弱成者速潰未成

者速散服至瘡口合而止內能固濟去舊生新又

名固壘元帥

當歸酒浸

桂心不見火

人參

土萼

香白芷

防風去蘆

桔梗

厚朴去粗皮薑汁炒

甘草伍文

乳香

沒藥並別研

右件藥各等分研為末每服貳錢酒調日三服病愈而止不飲者麥門冬去心煎湯或木香湯

一方治背癰附骨疽乳癰及一切癰腫未成膿者發

散極効

重寫 內消 小字二 百三

槐花 壹兩炒 焦色

胡桃 拾个新鮮不油者 煨熟去殼

右二味入砂盆內研爛如泥熱酒調和粗溫服如能飲酒人多飲愈効一醉後而癰腫散矣

菴散 治癰疽發背及一切癰毒等證如神

菴草 其葉長如牛舌 其氣如猪臭者

小薊根

五爪龍 即五藤 生大蒜

右四物各等分細研用酒和勻濾去粗服一椀得大汗通身而愈

又方 治諸般癰腫神効

新掘天門冬 一味約 叁伍兩

右洗淨入砂盆內研酒以好酒盪起濾去粗頓服未効再服一二服必愈

敷貼溫藥 戴院使云發散諸般毒多碾白芙蓉葉入

草烏末少許蜜調傅重者加入南星末凡諸毒用敷貼藥欲散搓入麝香欲潰搓入雄黃

冲和仙膏 一名黃雲膏 冷熱不明者用之茶酒隨證治之

川紫荆皮 伍兩炒 又名紅肉 又名內消

獨活 叁兩炒 不用節

赤芍藥 貳兩炒 白芷 壹兩 不見火

木臘 又名聖見 消又名陽

春雪即石苜蓿也隨加裁妙

右五味並為細末用法詳見于後

夫癰疽流注雜病莫非氣血凝滯所成遇溫即生
遇涼即死生則散死則凝此藥是溫平些荆皮木
之精能破氣逐血消腫獨活土之精能止風動血
引氣拔骨中毒去痺濕氣更能與木臘破石腫堅
硬赤芍藥火之精微能生血住痛去風木臘水之
精能生血住痛消腫破風散血白芷金之精能去
風生肌止痛蓋血生則不死血動則流通肌生則
不爛痛止則不燥作風去則血自散氣破則硬可
消毒自散五者交攻病安有不愈乎 一凡病有

三證治有三法如病極熱則此方中可倍加紫荆
皮木臘少用三品亦能消散之但功少遲耳如病
極冷則此方微加赤芍藥獨活亦能活血而消散
之功亦稍遲而不壞病 一如病熱勢大盛切不可
用酒調但可用葱湯調此藥熱敷上葱亦能
散氣故也血得熱則行故熱敷也如病稍減又須
用酒調酒能生血遇熱則血愈生酒又能行血遇
溫則血愈行矣 一瘡面有血泡成小瘡不可用
木臘恐性粘起藥時生受宜用四味先敷後用木
臘蓋在上面覆過四圍以截助攻之血路凡敷藥

皆須熱敷乾則又以元湯濕透之使藥性濕蒸而行病自退矣 一如用正方四面黑暈不退瘡口皆無血色者是人曾用冷藥太過不可使用玉龍蓋肌未死也恐藥力緊添痛苦宜於此方加肉桂當歸以喚起死血自然黑暈退見功效血回即除加藥只以正方取効 一如用正方痛不住可取酒化乳香沒藥於火上使溶然後將此酒調藥熱塗痛止 一流注筋不伸者可於此方加乳香敷之其性能伸筋故也 一如瘡口有赤肉突出者其證有三一是着水二是着風三是刀破後刀口

突宜以此方加少南星以去風用薑汁酒調其不消者必是庸醫以手按出膿核太重又以涼藥了皮以致如此若投以熱藥則愈糜爛此又有口訣焉宜用白礬枯朴硝二味為末敷之次用硫黃末按之外服藥筒加對金飲外貼沖和一若病勢熱盛者不可使用涼藥熱盛則氣血壅會必多大涼則血退不徹返凝於涼故宜溫冷相半用之血得溫則動挾涼則散可用此方加對停洪寶丹用葱湯調塗貼之 一此方乃發背流注之第一藥也學者當通變妙用表裏相應則病在掌握之中但發背甚者死生所係惟此藥功最穩

重終始可恃決無變壞若發之輕者草醫亦能取
効然有變證流弊之患此無他發於陰則非草醫
之可治矣豈如是劑兼陰陽而並治奪造化之神
功哉至如流注一疾雖不能死人而十有九為廢
疾廢疾流連死亦隨之縱有醫之能愈者亦必半
年周歲之後方見其効此乃百中之一然終為殘
弱之身矣惟吾此派仙方藥奇効速萬不失一端
有起死回生之効非言所能盡述夫流注乃傷寒
餘毒故有表未盡者餘毒客於經絡氣血不勻則
為熱流注所謂醫之能愈者熱也熱病少見有表

散太過氣血衰者餘毒流入腠理腠理或疎或密
為冷流注所謂醫之難醫者冷也冷病常多故傷
寒表未盡者非特為熱證而已其餘毒亦多為冷
證皆原於腎虛故作骨疽冷則氣愈滯而血愈積
故但能為腫而不能為膿若醫者投之以涼劑則
所謂冷其所冷而陰死於陰惟有壞爛腐肉毒氣
着骨而為骨癰流為廢疾故曰骨癰者流注之敗
證也流者動也注者住也氣流而滯則血住而凝
氣為陽血為陰陽動則陰隨氣運則血行吾所以
能移流注於他處而散之者取其能動故也動則

可移陽既移而動矣陰豈能獨住而不隨之者乎
是故以獨活引之者以其性能動盪氣血也引之
一動則陰陽調和不能為膿而散之於所移之處
勢必然矣 一流注在背膊腰腿緊要處當用此
方厚敷患處却單用獨活一味末之酒調執塗
路其盡處以玉龍誘之此移法也使血氣趨於他
所聚於無緊要處作膿又或消之若以成膿則引
不下急將此藥拔之出毒氣免作骨疽如庸醫用
了涼藥犯了針刀使成骨癰非藥所愈又待其碎
骨出盡方愈若怯用針刀取之則用玉龍治法在

後若正骨出無治法骨出可安 一方用白芷
紫荊皮酒調以內消初生癰疽名三勝膏又方只
用赤芍藥木臘紫荊皮作箍藥名三勝膏 一方
治大人小兒偶含刀在口割斷舌頭已垂落而未
斷用雞白皮袋了舌頭用破血丹蜜調塗舌根
斷血却以蜜調和蠟稀稠得所調此正方敷在雞
子皮上取其軟薄能透藥性故也如在口溶散勤
勤添敷三日舌接住方可去雞子白皮只用蜜蠟
調藥勤敷上七日全安學者觀此則知通變活
法妙用不在師傳之功如無速効以金瘡藥參錯

治之尤妙 一治癰腫未成膿不可使用洪寶丹
 敷貼頭上恐為冷藥一水血凝不消不能成膿反
 能爛肉只用此方敷貼如不消欲其成膿却以玉
 龍貼癰頭以燥之次用此正方在玉龍之下四圍
 用洪寶丹箍住以截新潮之血又若病未甚永於
 涼藥者玉龍之下不必用此方上以洪寶丹圍之
 一如救壞病未見可用玉龍只用此方自然穩
 當免病人苦 一發背初生未成單用紫荆皮末
 酒調箍住自然撮細不開服藥止用柞木飲子乃
 救貧良劑也 一此方加南星草烏二味三分之

一熱酒調敷諸癰可以潰膿不痛若單玉龍要洪
 寶丹箍住實此法妙 一刺犬咬人單用紫荆皮
 沙糖塗留口金丹退腫嚼杏仁置口中去毒 一
 法加南星草烏二味與此方各一半熱酒調敷可
 治久損至妙 一小兒軟癰用此方加薑酒調
 敷若初發即用此方酒調敷成膿而止若初發時
 用紫荆皮本酒調敷可以必消切勿用洪寶丹
 一癰疽心火熱毒也見於五心痛不可忍其狀
 如泡瘡而血赤外形雖小內有熱毒在心者難
 治在手足心者可療然治之須早稍遲或在心膈

腹癩 女科

則腐肉粉碎，神仙莫醫。凡有此疾在手心，則用洪寶於手心環圍敷之，以截其血。却用沖和於手心留口收功。在足心，則用洪寶敷在脚腔交骨四圍，一上十寸長，以沖和收功如前。

神功散 專治發背癰疽一切疔毒并瘰癧等瘡已未成患者，効驗不可備述。

川烏頭炮去皮尖 川黃蘗炙去皮

右二味為細末，後各等分用小兒或大人唾津調成膏。如唾少，嗽口水亦可。發背癰疽等瘡，纔起者敷於患處，留頭候藥乾，用淘米水常潤濕，每日換。

藥敷一次如瘡已成重患，將潰爛者，先將槐枝艾葉煎湯頓溫，將瘡洗淨，用絹帛展去膿血，以香油潤患處，用綿紙仍照患處剪成圓錢，留頭貼上。後用藥塗於紙如乾，依前用淘米水潤，日換一次。聽其自然流膿，不可手探。如敷藥後病人覺瘡住疼，減熱即愈。如生肌，則腐肉自落，腐而不落者，剪割亦可。最不宜用針發背，不宜貼膏藥。凡醫瘡，屏去別醫，止飲別藥，方可治。忌氣怒、房事、勞役，并孝服、體氣、飲酒之人，飲食忌酒，并羊、雞、魚、肉、瓜、茄、薑、蒜之物。若因氣怒反復發腫者，依前治之。如治對口。

車馬 敷貼溫藥

并腦疽不必洗去舊藥逐次添藥恐動瘡口惹風也

圍藥 南星 草烏頭 黃礬 白芨 各貳兩

五倍子 炒壹兩 右為細末調如糊隨血圍匝如墻壁

可移險處於不險處如神

敷藥 白欵 白芷 天南星 白芨 貝母 各等分

右為末水調傅外用圍藥束定內用傅藥提起制之有理

將軍鐵箍膏 治諸惡毒瘡紅腫突起用藥篩瘡四

圍不令滋蔓走疰毒氣

鹽霜白梅 南星 大黃

蒼耳根 各壹兩 白芨 白欵

防風 川烏頭 各半兩 草烏頭

雄黃 各叁錢

右為細末先以蒼耳根霜梅搗爛和餘藥調成膏如乾入醋調得所於瘡四圍用藥作鐵箍塗上止留瘡高突處如藥乾以鷄羽蘸水掃之日換二三

次大妙 又方 治一切癰疽腫毒

草烏 貝母 天花粉

重傷 敷貼溫藥 小斗一

南星

芙蓉葉

各等分
為細末

右用醋調搽四圍中留頭出毒如乾仍用醋潤之
按此方藥性溫和常用不問陰陽腫潰並效

正鐵箍散

貝母

去心

白芷

蒼耳草灰

醋拌
曬乾

各貳
兩

或加龍骨貳錢
尤妙

右為細末水調或油調貼瘡上

大鐵箍散

芙蓉

白芷

豬心皮

黃檗

木鼈子

寒水石

各肆兩

赤豆

白歛

貝母

各貳兩

大黃

紫荆皮

白芨

真地青

羌活

各壹兩

防風

半兩

右為細末凉水調圍癰四畔如肉脆去白芨白歛
加生地黃地榆用芭蕉油調傅熱甚者用三消散
水黃散圍腫毒

犀角屑

大黃

白芨

草烏皮尖

白歛

麝香

朴硝

各等分

右為細末蜜醋調薄攤油紙上稍乾揭下再添潤

濕貼之即消

不用漬毒藥 治諸腫毒堅硬不消

升麻

葛根

鼠黏子

地骨皮

金銀花

黃花地丁

甘草生各等分

右為窰末每用伍米錢水膏并煎拾沸於腫處四畔熱用冷則再煖

圍腫方

草烏

白芨

白欬

黃礬

朴硝各等分

右為末用蜜醋調圍腫外即便收起

神白膏 貼五疔未破

南星

大黃

草烏

白欬各半兩

蚌粉

大柏反各壹兩

小赤豆壹兩

加乳香沒藥尤妙

右為末取芭蕉頭研取油調角四畔

雄黃散治癰疽發背紫暈疼痛不止

粟米小粉炒參兩

草烏頭

南星

絳石

百合各壹兩

白芨貳兩

乳香

沒藥

雄黃

黃丹各半兩

右為極細末溫水調敷之

治無名腫毒或背疽 治法腫圍定名鐵井欄

芙蓉葉 重陽前收研末 蒼耳 端午前收燒灰存性

右同研細以蜜水調敷之

烏龍膏 一名烏金散 治一切腫毒癰疽收赤暈

木鼈子 去殼 半夏 各貳兩 小粉 肆兩

草烏頭 半兩

右於鐵臼內慢火炒令轉焦為細末出火毒再研以水調稀稠得所敷瘡四圍中留頂出毒氣或用

醋調亦得

宣毒散 初發或發後敷貼消腫收赤暈圍聚

露蜂房 參兩炒焦

南星

赤小豆 各兩

小米 壹合

生草烏 貳錢半

生白礬 半錢

右為細末用淡醋調塗四畔乾即再上

拔毒散 癰疽腫結通用能散能潰

南星 上等太白者壹兩 草烏頭

白芷 各半兩

木鼈子仁 壹箇研

右為細末分兩次法醋入蜜調敷貼之

蠲毒散 治癰疽腫毒未結則散已結則潰去風排

膿

大南星 壹兩

貝母 米錢半

白芷

腫毒 夕禾一

赤小豆 直僵蠶各半兩 雄黃貳錢

一右為細末初用醋調敷後用蜜水調敷
退毒散 癰腫通用

木鼈子去油 大南星 半夏生

赤小豆 白芷 草烏連皮尖

右為細末硬則法醋調敷熱熅則蜜水調敷

神功妙貼散 塗敷癰疽暈內使膿血化為水出收

暈欬毒

大南星圓白者 蓖麻子仁各肆錢 五倍子淡紅者
半夏生 白芷稍片 薑黃

貝母 白芨各叁錢 沒藥

乳香各貳錢 花藥石散貳貼

右為細末夾和井水入蜜調敷瘡色黯晦薑汁調敷從暈邊抹收入裏留中間如錢大貼膏藥若瘡開大全用紗攤藥以舊茶籠內白竹葉尾剪兩片如瘡勢先貼藥上然後貼瘡久年蓬仰上竹葉亦得竹葉出水藉藥以行之凡敷藥須是細末則不痛

特異萬靈散 治癰疽發背腫毒等患神妙

軟膏燒通紅 大白南星

直易敷若溫藥 小半一宿

赤小豆

草烏

連皮尖各半兩

乳香

別研

右為細末蜜水調成膏從外抹收入留最高處如錢勿敷如瘡已破切忌藥入瘡口恐痛飲毒排膿不致潰爛屢効

治冷癰青硬無頭陰毒并瘡疥毒瘡皆効

生銀鈔

輕粉

各貳錢

白松香

壹兩

麝香

少許

先將銀鈔松香為細末入鉢內加麻油壹兩慢火煎數沸離火待熱少退入輕粉麝香末攪勻即為膏矣收貯量瘡大小攤貼患處

飲瘡內消方

黃明膠壹兩水半升鎔消了入黃丹

壹兩再煮三五沸又放溫冷以雞毛掃在瘡口上

如未成即塗腫處自消

凡癰不問已潰未潰者以膠壹片水浸令軟隨腫大

小貼當頭上開一孔若已潰合膿者當被膠急發

之膿皆出盡未有膿者腫當自消矣

治發背祕法李北海云此方神受極奇祕以甘草參

大兩生搗別篩末大麥麩玖兩於一盤中相和攪

令勻取上好酥少許別捻入藥令勻百沸水搜和

如餅劑方員大于瘡一分熟傅腫上以油紙隔令

通風冷則換之已成者膿水自出未成者腫便內消

隔皮取膿法 治諸般腫毒

驢蹄細切壹兩 蕎麥麵兩

白鹽半兩

草烏肆錢 去皮

右為末水調作餅子慢火炙黃出火毒研米醋調

成膏用白紙攤貼患處毒自毛竅而出其腫自退

雄黃散 治癰疽赤腫疼痛未得膿潰貼成膿

雄黃細研

黃礫

檳榔

川大黃

騏驎竭各半錢

麝香研壹錢

黃連壹兩

白芷

木香

芎藭

桂心各半兩

當歸炒叁錢

右為細末用臘豬脂調令勻塗於絹上貼腫處候

膿潰後即用膏藥搜膿生肌

萬應針頭丸濟生 治一切腦背疽惡毒大瘡欲死者

一粒即愈

麝香貳錢

血竭如蠟者用散者不用非真也

輕粉

蟾酥舌試

硃砂各叁錢

片腦壹錢

蜈蚣壹對全用

右為極細末煉蜜和丸為劑如瘡有頭者用針頭

挑破微有血出將藥一黍米大放挑開瘡內上用
紙花周圍唾津濕貼瘡上不過時刻即愈如兩
腋見無頭瘡即是暗疔即將兩手虎口內白上紋
用針挑破如前法用藥封蓋忌鷄鶩酒濕麵一切
發熱之物

針頭散

保命

治瘡瘍焮腫木硬

右以乳香蟾酥各壹錢同研勻細以見乳汁和如
泥入磁方盆收之乾不妨每用以唾調撥少許點
於腫處上以膏藥貼之毒氣自消縱然有瘡亦輕
萬槌青雲膏 治諸般癰腫未成膿者貼散已成膿

拔毒追膿腹中痞塊貼塊上
桂其効如神

白松香

壹斤木屑

去草麻子

叁百粒去殼

杏仁

叁百枚去皮

銅青

叁兩

乳香

沒藥

各壹兩伍錢

輕粉

貳錢

右共作一處用鐵槌木砧於日中搗成膏如燥少
加香油杵之或用石臼木杵搗亦可用磁器盛細
帛攤貼湯中燉
不見火

敷貼熱藥

鬼遺方云凡癰疽外冷內疼者由陰氣外

通用熱物熨之大熱亦不覺者須用熱物熨令透隨

重傷

敷貼熱藥

小十一

百三

手便用緊急潰膿藥使膿外出盡腫平即用生肉煖
瘡和正氣藥令進飲食不捲
治癰疽發背初腫時方

風化石灰 貳兩 細辛 壹兩

右為粗末用熟醋傳患處乾再傳三上其腫即消

四虎散 治發背初生筋脉緊急不舒

附子 生去皮 壹兩 天南星 半夏

狼毒 各半兩 一方無附子有草烏各等分

右四味為末熟酒調成膏攤上腫處以熟絹屬定
覺患處如火燒不妨

回陽下龍膏

草烏頭 叁兩 煨 南星 壹兩 煨 軍薑 貳兩 煨

白芷 壹兩 不見火 赤芍藥 壹兩 炒 肉桂 半兩 不見火

此方治陰發背冷流注故推風火損痛冷痺風濕
諸脚氣冷腫無紅赤者冷腫不痛者足頑麻痺婦
人冷血風諸陰證之第一藥也用熟酒調塗用法
詳具于後

夫雜病雖見於皮膚手足之間而因必本於五臟
六腑蓋臟腑之血脉經絡一身晝夜運行周而復
始一臟受病必見於本臟脉息所經之處即陰陽

分手足之所屬也。為病有冷有熱，熱者易治，冷者難療。夫冷必由臟腑元陽虛弱，然後風邪得以乘間而入，血氣不勻，遂自經絡而客於皮膚之間，脈息不能周流，遂澁於所滯，愈冷則愈積而不散，復加庸醫用涼劑而內外交攻，則其為病鮮有不危者矣。學者當觀其外之為證，而察其內之所屬，表裏相應，萬無一失。此藥有軍薑、肉桂、足、以熱血生血，然既生既熱而不能散，又反為害，故有草烏、南星、足以破惡氣、驅風毒、活死肌、除骨痛、消結塊、喚陽氣。又有赤芍、白芷，足以散滯血、住痛苦、生肌肉。

加以酒行藥性，散氣血，雖十分冷證，未有不愈。端如發寒、灰之焰、回枯木之春，大抵病冷則肌肉陰爛，不知痛痒，其有痛者又多附骨之痛，不除則寒根透髓，非尋常之藥所能及。惟此藥大能逐去陰毒，迎回陽氣，住骨中痛，且止肌肉皮膚之病，從可知矣。當斟酌用之，不可太過，則為全美。一發背發於陰，又為冷藥所誤，又或發於陽而誤於藥，冷陽變為陰，滿背黑爛，四圍好肉，上用洪寶丹把住中間，以此藥敷之，一夜陽氣回，黑者皆紅，察其紅活，即住此藥，却以沖和仙膏收功，如不效，欲作膿。

又以南星草烏加於冲和用之如陽已回黑已紅
惟中間一點黑爛不能紅者蓋血已死可以村硝
明礬又云白丁香硃砂乳香用唾調勻於黑紅交
處作一團上用冲和蓋之至明早起藥自然去黑
肉如割却以藥洗之揆以生肉合白藥收功
流注冷證多附骨內硬不消骨寒而痛筋縮不伸
若輕用刀針並無膿血若止有乳汁清流或有瘀
血宜用此藥敷之若稍緩止以軍薑白芷肉桂草
烏等分熱酒調敷骨寒除而痛止則氣溫和而筋
自伸肉硬自消矣然治流注不可無木蠟以其能

破積滯之氣消堅硬之腫最妙又不可多多則能
解藥性蓋此證主於溫藥故也一鼓椎風起於
中濕或傷寒餘毒又或起於流注之壞證或起於
風濕虛痺此證有三一是兩膝相搯行步振掉膝
舵脛骨微腫二是膝舵脛骨交接處大如椎腿股
肉消皮縮裹骨三是上腿腫大下股冷消蓋足膝
屬肝肝經有風寒濕氣則血脈不流而作此遂為
膝寒所澁凝流不動下股之血脈有去無返是以
愈瘦愈冷而筋愈縮上腿之血脈有積而無散是
以愈腫愈熱而肉愈瘦其原若起於流注則肉凝

者為爛爛則冷毒腐骨腐骨一出神仙無術未破
則肌肉尚未死急以此藥熱酒調敷膝胫骨上腿
處以住骨痛回陽氣又以沖和塗下腿冷處引其
血氣使流動而不通貫血脉又以此方敷脛骨交
處以接所引之血脉以散所積之陰氣內用追風
丸倍加乳香以伸筋如法服之無不愈者如人欲
出方可用五積散加薑桂芷歸又加大川芎牛膝
檳榔木瓜或茶或酒調之 一男子婦人又患冷
痺血風手足頑麻或不能舉動可用綿子夾袋此
藥在中心却以長長纏在痛處用絹袋繫定此藥

能除滑痛附在肉上覺皮膚如蟬緣是其功也如
痺可加丁皮吳茱萸沒藥太川烏等分然後全在
追風丸表裏交攻去病如神 一風脚痛不可忍
內用追風丸外用此方加生麵薑汗調熱敷欲得
立止可依法加乳香沒藥化開酒調為妙 一火
損入骨者蓋因墜壓跌撲傷折不曾通血以至死
血在所患之處又則如雞肺之附肋輕者蒼蘚之
暈右年少之時血氣溫和尤且不覺年老血衰遇
風寒雨濕其病即發宜此方熱酒調敷內則用搜
損尋痛丸表裏交攻為妙雖然血氣虛弱之人病

在胸肋腰背之間者謂之脫垢不除變為血結勞
不論老少年遠近歲大而編身小而一牽半肘醫
之則一此等乃根蒂之病則非一劑可愈磨以歲
月方可安未成勞者易已成勞者難一法只用
南星草烏加少肉桂能去黑爛潰膿謂之小玉龍
此法大効一治石癰用此方熱酒調敷外却用
洪寶槌在四圍待成膿後破一婦人乳癰多因
小兒斷乳之後不能回化又有婦人乳多孩兒飲
少積滯凝結又為經候不調逆行失道又有邪氣
內鬱而後結成癰腫初發之時切不可用涼藥水

之蓋乳者血化所成不能漏泄遂結實腫核其性
清寒若為冷藥一冰凝結不散聚久而外血不能
化乳者方作熱痛蒸逼乳核而成膿其苦異常必
爛盡而後已故病乳癰者既愈則失其乳矣蓋乳
性最寒而又滯以涼劑則陰爛宜也然涼藥亦未
嘗不用用於既破之後則佳如初發之時宜於此
方中用南星薑汁酒兩停調勻熱敷即可內消欲
急則又佐以草烏此藥味性烈能破惡塊逐寒熱
遇冷即消遇熱即潰如已成癰腫則又從中和依
常法用之或加此草烏南星二味亦可破後觀其

原原於冷用冲和收功原於熱用洪寶生肌且須
用乳沒住痛以減其苦至於喫藥只用瓜蔓散隨
人虛實參以通順散十宣相間服之多口者為乳
發乳房堅硬者為乳石正在乳噉處腫者為吹乳
在乳兜囊下為乳漏以肉懸垂而血易滿故也故
為難治一囊一口為乳癰五十歲老人無治法外
有老人乳節又為可治蓋在垂囊肉上為癰若近
胸則為節矣一宿痰失道癰腫無膿者可用此
藥點頭病心旁出再作為佳不然則元陽虛耗此
為敗證如元陽虛耗敗證者急用全體玉龍敷之

拔出成膿服藥則通順散加桔梗半夏當歸肉桂
等藥若病紅活熱驟則當歸冲和為佳切不可誤
投涼劑此方但能拔毒作膿病回即止不可過若
能參用陷脉神劑尤妙出外科精要一肚癰一
證十有九死蓋胃屬陰外寒裏熱凡氣血潮聚趨
熱避寒故多為內癰不能外現間有微影欲出則
又為冷藥所觸及服涼劑雖有神仙莫施其功醫
者可不慎乎凡有此證初覺腰痛且以手按之痛
若走閃移動則為氣塊若根不動外面微有紅腫
則為內癰急以此方拔出毒氣作成外癰然後收

功冲和内則用通順散加忍冬藤治法如前若癰
自能外現者不必用此方只用冲和為妙不可輕
用針力如犯鐵器口不能合只用玉龍貼癰頭上
四面以冲和圍之依法自破若膿流不快依法用
洪寶三分薑汁七分茶調敷之膿出皆盡内用十
宣平補生肌外則依然收功冲和此證陰多陽少
損入最甚將安之際倍服内補以生氣血庶幾易
愈否則消而復脹口不合既安之後尤宜多服内
補加附子否則氣弱難平證冷者未破之先尤宜
先服附子方好既破之後切不可用急澁斂口之

藥恐食毒不散服藥力到自然合口至於内癰已
成不能拔出只用冲和外貼使在外温和成膿自
臟腑而出不至肉爛死生所係全在服藥之功治
法見前最忌毒食食毒即發反復難療又有孕婦
病此者又與此異内用蘇飲安胎勿輕與他藥
若臨月則兒與膿俱下若尚遠則膿自太腑中下
若初萌只服藥可消若癰在外面其證必熱惟可
用冲和收功亦須審輕重用之恐有誤也

敷貼涼藥 鬼遺方云凡癰疽外熱内寒者是有客邪
内有積毒欲作膿透之候

重傷 敷貼涼藥

小十一

百五

洪寶丹

又名金丹

寸金

四黃散

天花粉

叁兩

薑黃

白芷

各壹兩

赤芍藥

貳兩

右為末茶酒湯使隨證熱塗諸般熱證癰腫金瘡此藥一涼而已能化血為水又能使血瘀積又能涼肌生肉去死肌爛肉又能破血退腫又能滯氣為浮能止痛又能為痛閉膿又能出膿一及一復此方藥性無他遇涼効少遇熱効多故非十分陽證不可輕用恐或疑寒治療費力若夫金瘡出血非此不可乃第一藥餘外但可為前一藥之佐使

爾當審之審之 大抵此三藥可合力同効者可獨將專權者可分司列職者可合圍交攻者可借援求救者可勇力相持者可正兵先鋒奇兵取勝者可奇兵先鋒正兵取勝者神聖工巧端與兵法無異然兵隨印轉將逐令行故立功取勝存乎其人苟非明理通變之士何足言哉用法如後 一若病勢太熱可用熱茶調敷如證稍溫則用酒調若用以撮膿可用三分薑汁七分茶調何也此藥最涼能使血退薑汁性熱能引血潮故血退則被引血潮被逐進退相持而後成膿作破逼膿盡流

也。一凡瘡口破處肉硬不消者瘡口被風所襲也。此方中加獨活以去風，用熱酒調如又不消，則風毒已深，肌肉結實，又加紫荆皮，有必消之理矣。一此方莫善去金瘡及諸熱證赤腫，斷諸血根，不使焮赤，若癰疽不可輕用，恐貼處不散，食毒入內，在骨則成骨癰，在喉項則毒氣聚喉，在胸背則陰爛臟腑，在腹肚則為內癰，殺人，不救可不慎哉。只以冲和玉龍依法詳證用之為妙。一年少血壯之人衰老血敗之士，如有濺血無藥可止血，盡人亡，若在手足可用茶調敷，手足上下尺餘，遠若

在胸背腰腹則全體敷之，把住血路方能止，却用斷血藥。五倍末方見金瘡條中或神效軍中方按口方得安愈。一治金瘡重者筋斷脉絕血盡人亡，如要斷血須用繩及絹袋縛住人手臂，却以此方從手臂上用茶調敷住血路，然後却用斷血藥按口，却不使肉補及四物等藥，却又能令人發嘔吐甚，則口眼喎邪少焉。發煩發熱成破傷風，只可下對金飲，加川芎白芷薑棗煎自安，却徐徐補血，如或有破傷風證，又須用破傷風藥，即葛根湯之類。方見後瘡口用軍中方加九肋鼈甲酥炙碾。一凡金

瘡在頭面上者血不止急用此方茶調團團敷頸
上截血瘡口邊亦用此敷軍中方按口重卷十日
輕者三日效 一凡金瘡着水肉番花者可用薤
汁調此方敷瘡口兩旁以火微炙之或燒早稻稈
烟熏之瘡口水出即愈如無水出即是風襲可用
南星茶調敷之即愈然後以軍中方按口妙 一
治婦人產後或經絕血行逆上心不能生或吐血
鼻衄舌衄可以此方用井花水調敷頸上生艾汁
調亦妙其血立止然後服藥以絕原如舌衄必有
血泡破之復脹可用線於舌根頸縛住勿除於頸

項上截血內用黃芩荆芥涼心之藥以收其原舌
上用蜜調結口之藥以治之泡破除線血不脹矣
服涼心藥四物湯加荆芥薄荷硃砂 一此方用
藥調塗熱毒恐隨乾隨痛赤腫不退當用雞子清
調敷諸熱毒難乾妙湯火瘡同 一打破傷損在
胸膈上者藥通血不下可用菘豆水調此藥末吞
之即吐出而安又有從高墜下用通血藥不下數
日病人幾死此必天時寒凍服大黃等藥冰之血
凝片不行可用熱酒調軍薑末飲之片時血通人
得更生蓋借熱性以活死血則前藥方能行矣

治發背初發時小後五七日赤腫高即罨藥令內毒

散減疼免牽引乳香膏

乳香 壹兩

青薄荷葉 肆兩 洗乾

右研勻厚罨患處以青絹蓋之如乾以新汲水潤之常令濕其熱毒自然消散如熱毒攻結可用氣毒攻結不可用

金黃散 貼癰毒令內消

白芷

白芫

白欵

右等分為細末用新汲水調傳

治陽證腫毒并金瘡

大粉草剉細用竹壹段刮去青兩頭留節開一小竅入草在內滿後却用油灰塞竅從冬至日放糞缸內待立春先一日取起豎在有風無日陰處二十一日驗兩竅好却破竹取草為細末用水調傳藥性論甘蕉根搗傳一切癰腫上乾即更傳無不瘥者

梅師治癰疽發背或發乳房初起微赤不急治之即死速消方搗苧根傳之數易効諸瘡腫痛不可忍者以葵花根去黑皮搗爛蒸稠點井花水少許若不稠不須用水以紙攤如膏藥貼

之立効

又方芙蓉葉搗爛，罨立効。晒乾為末，水調傅亦妙。
治發背、蝸牛、百箇、活者，置淨瓶內，新汲水壹盞，浸瓶
中，封閉，自晚至曉，其水如涎，取水將真蛤粉不拘
多少，調之，刷瘡上効。

治背癰與癰，久年煙壁土、黃檗等，分為細末，生薑汁
捏成膏，傅之。夏月以茅香湯下壹貳錢妙。經

七寶散本 治癰疽止痛拔毒

乾荷葉心當中如錢片不拘
右為末，每用參匙水貳盞，慢火煎至壹盞半，放溫

淋洗乾，以太白膏傅之

太白膏 寒水石研飛 用臘月豬脂調成膏，隨瘡太

小薄紙攤貼之

天花青露散 罨圍一切腫毒

白芨 白斂 白薇

白芷 白鮮皮 朴硝

青黛 黃檗 老龍骨各壹

天花粉 青露各叁兩 大黃肆兩

右為細末，醋蜜調勻，如疽毒未成，則當頭罨，退若
已成，四面圍之中，留頭用替針膏貼之

消腫散 圍菴腫毒一切瘡癤並治

大黃 水仙子 山藥

芋根 青露 小赤豆

寒水石 水薑 香蛤粉

花藥石

右將前藥搗和如乾加醋蜜調勻如疽毒未成則當頭菴退若已成四面圍之留一頭用替針膏貼之

神護膏 圍菴一切腫毒

小赤豆 黃皮 白欵

白芷 天花粉 南星各等分

右為末陰用米醋與蜜水同陽用當陸根亦用芭

蕉油此是邵色婆黃金散加黃皮為主

水澄膏 秘方圍敷腫毒

鬱金 白欵 白芨

五倍子各壹兩 乳香 雄黃各伍錢

右為細末水調敷如熱極者用臘水尤妙

五金膏一名葵花散

黃葵花柒朵 川連貳錢 山梔柒个

黃檗伍錢 川鬱金叁錢

腫瘍 敷貼涼藥 小斗一

右為末并華水調成膏傳此藥性急宜速打之

清涼膏 治初患癰腫瘡癤熱焮疼痛消腫毒

大黃 不拘多少

右為細末用漿水調攤貼之醋摩亦得

治諸瘡腫不散者

右取白藥根搗爛傳貼乾則易之無生者用朱新

水調塗之亦得

治諸瘡腫馬毒瘡

右以馬齒莧水煮冷服壹升及塗瘡上治濕癬白
禿以馬齒膏和灰塗之效治緊唇面腫搗汁塗冬

用乾末水調塗治丹毒發背腫搗傳之不住者以

藍靛和之更佳治多年惡瘡搗爛傳之尤良治三

十六種風結瘡取馬齒莧壹石水貳石下釜煮之

澄清內蠟叁兩重煎之成膏塗瘡上并服之

清水膏 治癰疽及一切毒腫堅硬腫痛攻衝四畔

焮腫抽熱毒散腫氣

羊桃根

川大黃

黃芩

菉豆粉

黃檗 各壹兩

赤小豆

右為細末用芸薹菜取自然汁入蜜少許相和調

藥令稀稠得所看四畔腫赤處大小剪生絹上勻

攤可厚一錢許貼之乾即易

水調膏治癰疽毒熱赤嫩疼痛

川大黃生用

杏仁去皮研

鹽花各參分

右為細末研令勻以新汲水和調稀稠得所旋即

塗腫上乾即易之

水澄膏郭氏

治風熱腫毒赤紅色攻嫩疼痛不止

白芨

白斂各錢

鬱金壹對

大黃

黃礫

黃藥子

榆皮各錢半

乳香

沒藥

雄黃各半兩

右為細末用新汲水壹碗藥末不以多少澄於水內藥定去水數於腫處上用白紙封之用雞翎掠此水濕潤

三黃膏治一切腫毒

黃礫

大黃各等分

右為末用醋調搽如乾以水潤之

搗毒散

大黃壹兩半

白芨壹兩

朴硝貳兩

右為末用井水調搽如乾再搽

薛按此二方乃寒涼之藥若瘡瘍嫩腫作痛屬陽

之證宜用之或微腫痛而不炊赤者恐不宜用蓋
氣血喜溫而惡寒若冷氣入裏反為難治之證矣
三消散 退極熱證赤腫炊開者

朴硝

焰硝

大黃

梔子

炒黑色

寒水石

南星

各等分

右為細末生地黄汁調塗貼芙蓉葉搗汁調亦可
四面楚歌 敷諸般疽發腫赤痛不可忍未成角散
已成角破至瘡口合而止

荆芥

和根剉碎

赤芍藥

大檗皮

土當歸

山大黃

土白芷

天南星

赤小豆

商陸根

坐片十倍

白芨

赤斂

白斂

草烏

寒水石

煨或炒各等分

右為末生地黄汁調角四畔或苦蘆根汁腫用商
陸根研汁末潰則滿塗上或有米起處則留出瘡

水師晶明

治諸發已破未破皆洗如成膿潰爛最

要洗淨去故肉生新肉洗後淨乾再用角貼摻藥

一日一次

大柏皮

澤蘭

莽草

荆芥

赤芍藥

山大黃

土白芷

土當歸

獨活各等分

右剉麤散用水壹斗入葱白大椒橘葉同煎熏洗
不如已爛入豬蹄下膝水骨肉煎可免乾痛淨洗為
度

點藥癰疽有小白頭者初起即以膏子點之毒輕者
自消毒重者出水甚至流黑汁而愈最甚者即未散
亦大殺其毒矣

硃砂膏治癰疽腫毒并治瘰癧點落疔瘰等

硃砂生用壹錢

石磺灰壹兩炒黃色

白丁香叁錢炒黃色

黃丹半斤

碱壹斤淋

前四味研為極細末次將碱水煎作壹碗成膏待
冷以前末入膏和勻藏磁器中一應毒物以此
膏點之白丁香即麻雀兒尿用堅尖者不用軟
者

六灰膏治發背疔瘡疔子腫毒癰瘡痔瘡疔子脫
子其功用與硃砂膏同也

灰莧

桑木

棗木

喬麥科

茄科各燒

石磺灰研細

右件多少不妨和勻湯泡水淋淋下之水煎成膏

如糊裝磁器中一應毒物以膏點之若點癰瘡痔瘡待爛去少許再點之再爛去如是漸漸點去援生膏 治諸般惡瘡及癩癰鼠瘡纒起者點破即愈

血竭 壹錢 蟾酥 輕粉 各叁錢

麝香 伍分 雄黃 伍錢 乳香

沒藥 各壹錢 以上藥俱為極細末

右用蕎麥稽灰或真炭灰壹斗叁升淋灰湯捌瓩架用栗柴或桑柴文武火煎作叁盃取壹盃收留將貳盃盛於好磁器內候溫將藥末入灰湯內用

鐵瓢或桑柳枝右攪又用好細石灰壹升入藥灰湯攪勻取出候冷過宿盛於小白磁確內凡遇諸惡瘡點在當頭一日二次次日又一次瘡頭食破約五分血水出為妙恐日久藥乾將前收留灰湯和用

灸法

癰疽初發小點一二日間急以大蒜頭橫切如錢貼其中心頓小艾炷灸之五壯而上若形狀稍大以黃稭紙蘸酒全貼認先乾處為筋脚於先乾處灸之或兩處先乾皆灸但五七壯止又法屈指從

四圍尋按遇痛處是根就此重按深入自覺輕快
 卽此灸之更於別處灸若或大腫即搗蒜為餅焙
 乾蘸法醋灸熱更換頻罨或以熨斗火於蒜餅上
 熨之更換熱餅頻熨如覺患處走散卽以綿帛覆
 蓋勿令氣泄俟少間敷藥凡癰疽展大如龜之形
 且看頭向上下先灸其前兩脚次灸其尾或紅筋
 走緊而長從盡處灸之須留頭并後兩脚勿灸若
 盡灸之不惟火氣壅聚彼毒無所走散又攻入裏
 也或辨認不明以

白芷 參分

漢椒

桑白皮

各壹分

連鬚蔥白

拾片

右取新水煎湯入酸醋半盞淋洗少頃其筋自現
 可以辨驗頭尾

神仙隔蒜灸法 治一切癰疽腫毒前論言其詳矣
 凡大痛或不痛或麻木痛者灸至不痛不痛灸至
 痛其毒隨火而散此拔引鬱毒從治之法也信有
 回生之功其法用大蒜頭切三分厚安瘡頭上用
 艾炷於蒜上灸之五炷換蒜再灸未成卽消已成
 殺其太勢瘡患大以蒜杵爛攤患處將艾鋪蒜上
 灸之蒜敗再換瘡色紫或白而不起發不作膿不

大痛不問日期最宜多灸

神効葱熨法 治流注結核骨癰鶴膝等症腫硬或

先已隔蒜灸而餘腫未消最宜用熨以助氣血而

行壅滯其功甚大又為跌撲傷損止痛散血消腫

之良法用葱白頭搗爛炒熟頻熨患處冷再換

神効桑枝灸 治發背不起或瘀肉不潰此陽氣虛

弱用桑枝燃火着吹熄焮用火灸患處片時日三

五次以助腫潰若腐肉已去新肉生遲宜灸四畔

其陰瘡癩流注腫瘡惡瘡久不愈者亦宜用之

大抵此法未潰則解熱毒止痛消瘀腫已潰則

補陽氣散餘毒生肌骨其陽症腫痛甚或重如負

石初起用此法出毒水即肉消日久者用之雖潰

亦淺且無苦楚惜患者不知有此治者亦不肯用

此也

砭法 治丹毒疔瘡紅絲走散或時毒瘀血壅盛用

細磁器擊碎取有鋒芒者一塊以筋一根辟開頭

尖夾之用線縛定兩手指輕撮筋稍冷磁芒正對

患處懸寸許再用筋一根頻擊筋頭令毒血遇刺

皆出毒入腹膨脹者難治

豆豉餅 法見兼證痛條

凡此諸症皆由血毒而起
 其初起時不過紅腫微痛
 繼則膿血淋漓或潰或爛
 甚至筋骨疼痛或入骨髓
 此皆血毒之深也
 治法宜先清血毒
 然後消腫止痛
 若膿已成者宜早潰之
 以免毒氣內攻
 此其大要也

